

Լեռնային Ղարաբաղը բողոքում է Գորբաչովի հայտարարության դեմ

Լեռնային Ղարաբաղի հայ բնակչու-
թյունը բացասաբար ընդունեց պրեզիդենտ
Մ. Գորբաչովի դիմումը՝ ուղղված Ադրբե-
ջանի ու ԼՂԻՄ-ի ժողովուրդներին:

Ուրբաթ օրը հազարավոր ստեփանա-
կերտցիներ հավաքվեցին քաղաքի կենտ-
րոնական հրապարակում, որտեղ կեսօրին
տեղի ունեցավ հանրահավաք, որին մաս-
նակցեցին 10 հազարից ավելի մարդ:

Ելույթ ունեցողները մեղադրեցին
ԽՍՀՄ պրեզիդենտին այն հայտարարու-
թյան համար, թե իբր ԼՂԻՄ-ը Ադրբե-

ջանի անբաժանելի մասն է: Նրանց կար-
ծիքով, դա Ադրբեջանի ղեկավարությանը
հնարավորություն է տալիս ԼՂԻՄ-ի հայ
բնակչությանը տեղահանելու: Մեկ ժամ
անց գորքը ցրեց հանրահավաքը: Բողո-
քի ցույցեր տեղի ունեցան նաև մարզի
այլ շրջաններում: Ստեփանակերտի բոլոր
ձեռնարկություններն ու ուսումնական հա-
ստատությունները ի պատասխան Գորբա-
չովի հայտարարության՝ միօրյա գործա-
դուլ հայտարարեցին: